

23. nóvember 2007**Afkoma Atorku Group hf fyrstu 9 mánuði ársins 2007**

Atorka Group hf. birtir bæði móðurfélagsuppgjör og samstæðuuppgjör sem hvoru tveggja eru gerð í samræmi við alþjóðlega reikningsskilastaðla IFRS. Vegna munar sem gildir samkvæmt IFRS um gerð móðurfélags- og samstæðuuppgjöra er munur á afkomu móðurfélags og samstæðu. Atorka Group hf telur að fjárfestar verði að kynna sér bæði uppgjörin til að fá rétta mynd af stöðu félagsins.

Í móðurfélagsreikningi eru allar fjárfestingar, þar með taldar fjárfestingar í dótturfélögum, metnar á gangvirði (e. fair value). Breytingar á gangvirði á tímabilinu eru færðar í rekstrarreikning, þar með taldar gangvirðisbreytingar og arðstekjur frá dótturfélögum. Hins vegar er ekki tekið tillit til afkomu rekstrar hvers og eins dótturfélags á tímabilinu.

Í samstæðureikningi er beitt hlutdeildaraðferð og samstæðureikningsskilum, þar sem rekstrarleg afkoma hvers og eins dótturfélags ásamt afkomu móðurfélags, án gangvirðismats á dótturfélögum, er lögð saman og myndar afkomu tímabilsins.

Greiningu á mismunandi afkomu móðurfélagsins annars vegar og samstæðunnar hins vegar er að finna í skýringu 2.1 í báðum árshlutareikningunum.

Helstu niðurstöður úr 9 mánaða uppgjöri Atorku Group hf.:**Samstæðureikningur:**

- Hagnaður eftir skatta í samstæðureikningum Atorku Group hf., fyrstu 9 mánuði ársins var 2,5 milljarðar króna.
- Hagnaður á þriðja ársfjórðungi var 2,7 milljarðar króna.
- Tekjur á fyrstu 9 mánuðum ársins voru 53,2 milljarðar króna.
- Heildareignir samstæðunnar í lok september voru 104,7 milljarðar króna.
- Eigið fé var 13 milljarðar í lok september.

Móðurfélagsreikningur:

- Hagnaður eftir skatt á fyrstu níu mánuðum ársins var 6,8 milljarðar króna.
- Hagnaður eftir skatt á þriðja ársfjórðungi var 734 milljónir króna
- Heildareignir í lok september voru 61,4 milljarðar króna
- Eigið fé var 22,9 milljarðar króna í lok september
- Arðsemi eigin fjár 39% á ársgrundvelli
- Eiginfjárhlutfall er 37%
- Hagnaður á hlut á fyrstu 9 mánuðum ársins 2,12

Magnús Jónsson forstjóri Atorku;

„Afkoma Atorku fyrstu níu mánuði ársins var góð þrátt fyrir krefjandi markaðsaðstæður. Atorka innleysti verulegan hagnað með sölu á einu af fjárfestingarverkefnum sínum. Jafnframt fjárfesti félagið í nýju verkefni, Geysi Green Energy og er þar kjölfestufjárfestir. Við sjáum veruleg tækifæri með þátttöku í uppbyggingu á Geysi og hefur félagið í dag sterka stöðu til þess að verða leiðandi í nýtingu á jarðvarma í heiminum. Atorka hefur í auknum mæli verið að beina sjónum sínum til Asíu, meðal annars með fjárfestingum í heilbrigðisgeiranum og infrastrúktúr nú síðast með kaupum á um 10% hlut í leiðandi félagi í uppbyggingu á vatnshreinsistöðvum í Kína. Ljóst er að með aukinni velmegun munu Kínverjar fjárfesta verulega í bættum lífsgæðum og sjáum við því mikil tækifæri í fjárfestingum því tengdu. Atorka er með sterka fjárhagsstöðu og í góðri stöðu til að nýta sér þau tækifæri sem munu skapast á komandi misserum.“

Helstu viðburðir

- Allur eignarhlutur í Jarðborunum var seldur til Geysir Green Energy. Heildarvirði (Enterprise Value) sölnnar var 17,7 milljarðar króna. Innleystur hagnaður frá upphafi fjárfestingarinnar er um 11 milljarðar króna þar af á fjórða milljarð á öðrum ársfjórðungi í móðurfélagsreikningi.
- Atorka gerðist kjölfestufjárfestir í Geysir Green Energy (GGE) og keypti 32% hlut. Kaupverð voru rúmir 7 milljarðar króna.
- Jarðboranir gerðu nýlega samning við Landsvirkjun um borun á fimm rannsóknarholum á næsta ári.
- Geysir Green Energy keypti hlut Landsvirkjunar í Enx og á félagið nú um 72% hlut.
- Kaup á tæplega 24% hlut í Shanghai Century Acquisition Corp (SHA) sem er skráð á AMEX markaðnum í NY. SHA hefur samið um kaup á kínverska lyfjafyrirtækinu Kelun Pharmaceutical með fyrirvara um samþykki samkeppnisfirvalda í Kína. Lyfjamarkaðurinn í Kína er í miklum vexti með aukinni velmegun og fólksflutningi úr sveitum til borga.
- Promens lauk yfirtöku á plastframleiðslufyrirtækinu STE Packaging Development á Spáni sem framleiðir umbúðir fyrir snyrtivörur og íhluti fyrir þær. Ný verksmiðja var opnuð í Póllandi og verið er að skoða frekari fyrirtækjakaup í Austur Evrópu. Í byrjun nóvember sameinaði Promens alla starfsemi sína undir einu nafni sem styrkir ímynd félagsins.
- Eignarhlutur í Amiad hefur verið aukinn í tæp 22%. Amiad Filtration er leiðandi á alþjóðamarkaði í framleiðslu á vatnshreinsibúnaði. Mikill vöxtur er á þessum markaði og er vaxandi eftirspurn eftir hreinu vatni.
- Atorka hefur jafnframt bætt við nýrri fjárfesingu í vatnshreinsibúnaði með kaupum á um 10% hlut í Asian Environment Holdings, en félagið lauk til að mynda nýlega við uppbyggingu á 200.000 m³ vatnshreinsistöð í Kína sem félagið mun eiga og reka næstu 20 árin og vinnur að uppbyggingu á annan tug sambærilegra verkefna í Asíu.
- Félagið hefur endurfjármagnað hluta af skammtímalántökum sínum, 5,5 milljarða króna, með nýjum lántökum til 2 ára eða lengur.

Rekstrarreikningur Samstæðu

ISK milljónir	3F 2007	2F 2007	1F 2007	4F 2006	3F 2006
Hreinar fjármunatekjur.....	(1.029)	(1.209)	(525)	(963)	(851)
Rekstrartekjur.....	17.133	18.956	20.151	7.740	13.637
Rekstrarkostnaður.....	(17.074)	(17.987)	(19.205)	(8.168)	(13.034)
Aflögð starfsemi.....	3.656	(309)	8.428	0	263
Afskrift viðskiptavildar				(138)	
Hagnaður/Tap eftir skatta.....	2.700	(685)	459	(482)	32

Rekstrarreikningur Móðurfélag

ISK milljónir	3F 2007	2F 2007	1F 2007	4F 2006	3F 2006
Hreinar fjármunatekjur.....	1.049	2.985	3.406	1.720	833
Rekstrarkostnaður.....	(158)	(181)	(296)	(122)	(173)
Hagnaður / (Tap) fyrir skatta.....	891	2.804	3.110	1.599	660
Tekjuskattur.....	(156)	(200)	(78)	(287)	(105)
Hagnaður/Tap eftir skatta.....	734	3.004	3.032	1.312	555

23. nóvember 2007

Eignasafni Atorku er skipt upp í fimm flokka, en þeir eru; orkuíðnaður, iðnaður, flutningaþjónusta, lyfjageiri og vatnshreinsiiðnaður. Atorka kemur ekki með beinum hætti að rekstri þessara félaga en styður þau til frekari vaxtar með góðu samstarfi við stjórnendur eða fulltrúa í stjórn.

Fjárfestingarverkefni

Promens

Promens er leiðandi fyrirtæki í plastframleiðslu í heiminum með 64 verksmiðjur í Evrópu, Norður Ameríku, og Asíu. Fyrirtækið framleiðir mikið úrval umbúða m.a. fyrir matvæla-, efna- og lyfjaiðnað auk þess að framleiða plasthluti fyrir bíla-, þungavinnuvæla- og rafeindaiðnaðinn. Uppbygging Promens hefur gengið vel á árinu og var nýtt skipurit kynnt í júlí. Á árinu hefur félagið keypt þrjú félög. Áætluð velta Promens á þessu ári er rúmar 700 milljónir Evra og heildar fjöldi starfsmanna er um 6.000. Þynntur eignarhlutur Atorku er 63%. Unnið er að undirbúningi að skráningu á Promens en tímasetning ræðst af markaðsaðstæðum.

Geysir Green Energy

Geysir Green Energy er fjárfestingafélag sem fjárfestir í félögum sem starfa að nýtingu jarðvarma til orkuvinnslu. Atorka gerðist kjölfestufjárfestir í félaginu í ágúst 2007 og á 32% hlut. Meðal félaga sem Geysir hefur þegar fjárfest í má nefna Jarðboranir, sem er eitt fremsta fyrirtæki heims í nýtingu auðlinda á sviði jarðvarma. Geysir á einnig 32% hlut í Hitaveitu Suðurnesja, 72% hlut í Enex, 65% hlut í Exorku International, 20% hlut í Western Geopower og Enex China 33% hlut.

Romag

Romag er leiðandi framleiðandi í Bretlandi á sérhæfðum glerlausnum. Félagið hefur þróað sérhæft gler sem nýtir birtu til rafmagnsframleiðslu (e. photovoltaic glass). Mikill vöxtur er á þessum markaði og hefur framleiðslugeta fyrirtækisins verið að aukast, var 6 MW fyrr á þessu ári um en verður 28MW á árinu 2008. Romag er skráð á AIM markaðinn í London og er eignarhlutur Atorku um 22%.

Interbulk

Interbulk Group er eitt af leiðandi félögum í heiminum í sérhæfðum gámaflutningum fyrir efnaiðnað en á þeim markaði eru gerðar miklar kröfur til áreiðanleika. Proforma-velta félagsins er um 250 milljónir punda. Markaðurinn sem Interbulk starfar á hefur vaxið mikið undanfarin ár. Höfuðstöðvar Interbulk eru í Rotterdam og er félagið skráð á AIM markaðnum í London. Atorka Group er stærsti hluthafinn með um 40% hlut.

Clyde Process Solutions

CPS er leiðandi fyrirtæki í framleiðslu á háþrúðum lausnum til flutninga á hráefni í framleiðsluferlum. Búnaðurinn sem CPS framleiðir sparar mikinn kostnað, minnkar mengun og eykur hagkvæmni í framleiðsluferlinum. Búnaðurinn er notaður í fjölda atvinnuvega meðal annars í gipsframleiðslu, sementsframleiðslu, stálframleiðslu, matvælaíðnaði og efnaiðnaði. Félagið er með starfsemi í öllum heimsálfum. CPS er skráð á AIM markaðinn í London og er eignarhlutur Atorku um 30%.

Amiad

Amiad er leiðandi á alþjóðamarkaði í framleiðslu á vatnshreinsibúnaði (e.thread filtering) og síum. Félagið er með öflugt sölunet og selur vörur sínar um allan heim. Mikill vöxtur er á þessum markaði og er vaxandi eftirspurn eftir hreinu vatni. Auknar kröfur í umhverfismálum munu auka vöxtinn á núverandi og nýjum mörkuðum á næstu árum. Amiad sá m.a. um allan búnað fyrir Ólympíuþorpið í Peking en stjórn Kína hefur ákveðið að fjárfesta CNY 400 milljörðum í uppbyggingu og endurnýjun á vatnshreinsiverksmiðjum á árunum 2006-2010. Amiad er skráð í Kauphöllinni í London og eignarhlutur Atorku er tæp 22%.

Shanghai Century Acquisition Corp

Shanghai Century Acquisition Corp (SHA) er félag sem er stofnað sérstaklega í þeim tilgangi að sameinast öðru félagi (e. Special Purpose Acquisition Corporation, SPAC) og hefur það samið um kaup á kínverska samheitalyfjafyrirtækinu Sichuan Kelun Pharmaceutical (Kelun) með fyrirvara um samþykki samkeppnisyfirvalda í Kína. Kelun er leiðandi fyrirtæki í framleiðslu og dreifingu á vökva í æð (IV solutions) í Kína. Fyrirtækið rekur 13 verksmiðjur í Kína, starfrækir þar 53 söluskristofur og er með með um 6.800 starfsmenn. Kelun framleiðir um 90 tegundir af vökvum og er heildarframleiðslugeta félagsins um 1.4 milljarðar skammta á ári. SHA er skráð á AMEX markaðinn í New York og er eignarhlutur Atorku um 24%.

Björgun

Björgun er frumkvöðull að byggingu bryggju- og strandhverfa við Ísland. Björgun annast einnig landfyllingar og hefur byggt upp íbúða- og atvinnuhverfi frá grunni, m.a. Sjálandshverfið í Garðabæ. Félagið er stærsti aðilinn á landinu í hafnargerð og dýpkunum og eru mikil verkefni framundan þar, t.a.m. í tengslum við hafnargerð í tengslum við frekari stóriðjuframkvæmdir. Björgun er einnig í efnisvinnslu og er birgi m.a. til Sementsverksmiðjunnar, stepustöðva o.fl. Félagið er þriðjungshlutshluthafi í Sementsverksmiðjunni og er eignarhlutur Atorku 100%.

23. nóvember 2007

Framtíðarhorfur

Horfur í fjárfestingarverkefnum Atorku eru góðar. Promens vinnur markvisst að frekari vexti með „buy and build“ í Austur Evrópu og Asíu. Aðkoma Atorku að Geysi Green Energy er spennandi og sér félagið mikil tækifæri í því að skapa frekari verðmæti með þátttöku í uppbyggingu á því. Með sölunni á Jarðborunum innleysti félagið verulegan hagnað og í kjölfar þess er svigrúm til nýrra fjárfestinga. Atorka hefur í auknum mæli verið að horfa til Asíu þá sérstaklega í atvinnugreinum sem njóta mun aukinnar velmegunnar. Ásamt því að skoða ný fjárfestingarverkefni mun Atorka áfram styðja við uppbyggingu á núverandi fjárfestingarverkefnum.

Fjárhagsdagatal

Afkoma fjórða ársfjórðungs og ársreikningur 2007 verða birt í viku 8, 2008

Nánari upplýsingar veita;

Magnús Jónsson,
forstjóri í síma 540 6200

Valdís Arnardóttir
kynningarstjóri í síma 840 6217

Reikninga Atorku Group má finna á heimasíðu félagsins www.atorka.is

Um Atorku Group

Atorka er fjárfestingarfélag sem styður framsækin fyrirtæki, sem njóta góðs af hnattrænni þróun, til leiðandi hlutverks á heimsvísu. Í fjárfestingum sínum leggur Atorka áherslu á að rekstur fyrirtækjanna sé öflugur og hafi sterkt stjórnendateymi og að fyrirtækið starfi við góð skilyrði til verulegs innri og ytri vaxtar. Gert er ráð fyrir að tímalengd verkefnanna sé um 3-5 ár og að mikil tækifæri séu til vaxtar og verðmætaaukningar.



Hlíðasmára 1
201 Kópavogur
Sími: 540 6200 - Fax: 540 6220
Netfang: atorka@atorka.is